

Nodyn briffio i'r Pwyllgor Diwylliant, y Gymraeg a Chyfathrebu Pecyn cymorth BBC Cymru i gefnogi'r diwydiannau creadigol

Cefnogaeth i'r sector cynhyrchu annibynnol

Ar 6 Ebrill, cyhoeddodd BBC Cymru Wales becyn cymorth arbennig i gynorthwyo cwmnïau cynhyrchu annibynnol yng Nghymru sy'n gweithio gyda'r darlledwr yn ystod yr argyfwng Coronafeirws. Gyda'r bwriad o gefnogi'r sector yn ystod yr argyfwng Coronafeirws presennol, mae'n cyd-fynd â chynlluniau a gyflwynwyd gan deledu rhwydwaith y BBC i gefnogi cynhyrchwyr annibynnol ledled y DU.

Mae'r pecyn yn cynnwys:

- Rownd gomisiynu newydd BBC Cymru sy'n edrych ar raglenni teledu a radio sy'n adlewyrchu bywyd yn ystod yr argyfwng presennol a thu hwnt
- Dyblu Cronfa'r BBC i Gwmnïau Annibynnol Bach (o £1m i £2m) – sy'n cael ei reoli gan BBC Content – i gefnogi cwmnïau annibynnol llai ar draws y DU, sydd yn y sefyllfa fwyaf bregus ar hyn o bryd. Bydd comisiynwyr teledu BBC Cymru a Rhwydwaith y BBC yn cydweithio i nodi cwmnïau addas
- Cronfa un-tro BBC Cymru i gyflymu prosiectau datblygu teledu fel drama a chomedi gan gadw golwg ar amserlenni'r dyfodol y tu hwnt i 2020
- Cronfa ddatblygu radio i gefnogi syniadau newydd am raglenni ar draws Radio Cymru a Radio Wales sy'n gallu cael eu cynhyrchu'n gyflym i'w darlledu yn ystod y misoedd nesa
- Cyfleoedd comisiynu ffurf-fer newydd ar blatfformau cyfryngau cymdeithasol BBC Cymru gyda'r bwriad o addysgu a difyrru cynulleidfaoedd – yn enwedig y rheini o dan 45 oed
- Mwy o fuddsoddiad yng nghynnwys archif BBC Cymru ar BBC iPlayer drwy brynu rhaglenni gan bartneriaid o fewn y sector. Y bwriad yw cyflwyno archif sylweddol o gynnwys Cymreig gwych ar BBC iPlayer yn ystod yr wythnosau a'r misoedd nesa
- Ymrwymiad gan BBC Cymru a theledu rhwydwaith i weithio'n agos gyda chwmnïau cynhyrchu ar brosiectau cyfredol yr amharwyd arnynt, er mwyn dod o hyd i atebion cefnogol lle bo'n bosib. Bydd hyn yn cynnwys bod yn hyblyg o ran cyfleu rhaglenni, ac amrywio'r llif arian lle bo'n briodol fesul teitl.

Mae BBC Cymru hefyd yn gweithio mewn partneriaeth ag uned Cymru Greadigol o fewn Llywodraeth Cymru i ganfod cyfleoedd ar gyfer cydweithio tra'n cefnogi'r sector ehangach.

Yn dilyn yr alwad gomisiynu ar deledu, radio ac ac-lein, cyhoeddwyd yr wythnos hon y bydd cwmnïau cynhyrchu annibynnol yn cynhyrchu dros 30 o raglenni newydd ar gyfer BBC One Wales, BBC Radio Cymru a BBC Radio Wales i'w darlledu cyn diwedd Medi. Maen nhw'n cynnwys:

- Ar BBC One Wales, bydd Carol Vordeman yn cyflwyno sioe newydd sbon pedair-rhan bob nos lau ar BBC One Wales am 7.30pm. Bydd llu o westeion yn ymuno â Carol ar *The Great Indoors* gan ddod â'r straeon gorau o Gymru i godi calon. Bydd y cynhyrchiad – a'r tro cyntaf i BBC Cymru – yn gydweithrediad rhwng amrywiaeth

o gwmniau cynhyrchu annibynnol, gan gynnwys BBC Studios, Boom Cymru, Marmalade TV, One Tribe, Hall Of Mirrors, Darlun a Yeti.

- Ar nos Lun (BBC One Wales am 9pm) byddwn yn troi'n sylw at Ysbyty Brenhinol Gwent a staff yr Uned Gofal Dwys yn *Critical: Coronavirus in Intensive Care* - rhaglen ddogfen bwerus a gynhyrchwyd gan Folk Films a'i ffilmio'n gyfan gwbl gan staff y GIG ar ffonau symudol a chamerau bach, gan roi cipolwg prin i wylwyr o'r Uned Gofal Dwys.
- Bydd y gyfres gomedi deledu lwyddiannus, *Tourist Trap* yn troi at y tonfeddi am rifyn arbennig, *Tourist Trap: The Stay at Home Radio Special* ar 22 Mehefin ar BBC Radio Wales. Yn ymuno â Sally Phillips fydd y digrifwyr Elis James, Mike Bubbins, Tudur Owen a Sarah Breese, wrth i'r asiantaeth dwristiaeth anobeithiol wynebu'r her o stopio twristiaid rhag ymweld â Chymru. (Cynhyrchwyd gan The Comedy Unit)
- Bydd rhaglen arbennig ar gyfer Wythnos Ymwybyddiaeth Iechyd Meddwl, *The Mind Shed*, ar BBC Radio Wales ar 19 Mai yn bwrw golwg ar sut mae ymbellhau cymdeithasol ac hunanynysu yn effeithio ar ein hiechyd meddwl, gyda dynion, yn enwedig mewn perygl. (Cynhyrchwyd gan One Tribe)
- Ar BBC Radio Cymru, bydd Dylan Ebenezer yn cyflwyno sioe banel newydd, *Ynys yr Hunan-Ynyswyr*, wrth iddo wahodd dau westai i gystadlu am y moethusrwydd o gael aros ar yr ynys gydag e, yn seiliedig ar eu dewis o lyfrau, cerddoriaeth a ffilmiau. (Cynhyrchwyd gan Rondo Media)
- Am am y tro cyntaf ar Radio Cymru, bydd Jon Gower yn gwahodd gwrandawyr i gyflwyno eu syniadau i greu nofel dorfol ddyddiol yn arddull opera sebon, bob dydd ar raglen *Aled Hughes*. (Cynhyrchwyd gan Gwmni Unigryw)

Cefnogi'r diwydiannau creadigol ehangach

Ers cyflwyno'r cyfyngiadau symud, cyflwynwyd y partneriaethau a'r mentrau canlynol:

- Mae BBC Cymru a BBC Arts yn bartneriaid darlledu ar gyfer menter rwydwaith National Theatre Wales – rhaglen ddigidol newydd o gyfleoedd i wneuthurwyr theatr, wedi'i gyflwyno mewn partneriaeth â dau o sefydliadau theatr amlycaf Cymru, Theatr Genedlaethol Cymru a Theatr y Sherman– a'i datblygu mewn ymateb i effaith cyfyngiadau symud COVID-19.
- Mae BBC Radio Cymru a BBC Cymru Fyw hefyd yn gweithio mewn partneriaeth â Theatr Genedlaethol Cymru ar Creu Ar-Lein, rhaglen sy'n dod â detholiad o ddramâu byrion i blatfformau digidol.
- Roedd y bartneriaeth rhwng BBC Radio Wales a Gŵyl Gomedi Machynlleth yn golygu bod yr ŵyl – a ganslwyd oherwydd yr argyfwng presennol – yn gallu parhau ar y radio gydag amrywiaeth o raglenni yn ystod penwythnos cyntaf mis Mai.
- Cyhoeddodd yr Urdd math newydd o Eisteddfod – Eisteddfod T – yn sgil canslo'r ŵyl ieuencid eleni yn Sir Ddinbych. Bydd yr Eisteddfod wahanol hon yn darlledu ei rowndiau terfynol ar raglenni a drefnwyd yn arbennig ar BBC Radio Cymru. Gyda gwyliau a sioeau awyr agored yn cael eu canslo ar hyd a lled Cymru, ry'n ni'n falch o fod yn gweithio gyda phartneriaid, fel yr Urdd a Gŵyl Gomedi

Machynlleth, i ddod â phobl yn agosach at ei gilydd ar adeg pan mae nifer yn teimlo'n ynysig ac ar eu pennau eu hunain, yn ogystal â chreu eiliadau o ddathlu cenedlaethol.

- Mae Horizons/Gorwelion – y prosiect cerddorol sy'n cael ei ariannu gan Gyngor Celfyddydau Cymru a BBC Cymru - wedi bod yn cefnogi cerddorion ledled y wlad drwy ffrydio cerddoriaeth fyw o gartrefi'r cerddorion i gynulleidfaoedd ar blatfformau cyfryngau cymdeithasol. Dim ond oherwydd cysylltiadau presennol y prosiect â'r diwydiant y bu'r fenter yn bosib.
- Cerddorfa a Chorws Cenedlaethol Cymreig y BBC – er nad yw'r gerddorfa na'r corws yn llenwi neuaddau cyngerdd ar hyn o bryd, mae'r chwaraewyr a'r staff wedi bod yn creu cynnwys digidol apelgar, dyrchafol ac unigryw i ddiddanu cynulleidfaoedd yn ystod y cyfnod heriol hwn. Mae aelodau'r gerddorfa yn cymryd rhan mewn mentrau addysg ar-lein a digwyddiadau cerddorol digidol a chyfresi fideo hwyllog. Ac ar ddydd Iau, 7 Medi, byddant yn gweithio o adref – gyda'r bariton-bas Bryn Terfel i berfformio fersiwn ddigidol newydd o Gwŷr Harlech ar BBC Radio Cymru a BBC Radio Wales.